



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Ephemerologivm Ecclesiastio-Rubricisticum Novum**

**Halden, Johann Baptist**

**Brixinæ, 1717**

Titulus XIII. De Ferijs infra Hebdomadam I. Quadragesimæ &c.  
occurrentibus.

**urn:nbn:de:hbz:466:1-39937**

cras occurrat : Reliqua ut in alijs de Feria, post Vesperas hodierni Of-  
Dominicis per annum. Col. Violac. ficij dicuntur in Choro Vesperæ De-  
Et sic fit etiam in seqq. Dominicis functorū ut supra fol. 22. Quod etiam  
usque ad Dominicam Passionis ex- observatur in seqq. Dominicis usque  
clusivè. Quòd si cras Officium fiat ad Dominicam Palmarum exclusivè,

## TITULUS XIII.

### De Ferijs infra Hebdomadam I. Qua- dragesimæ &c. occurrentibus.

**A**D Officium Feriale, ac Mis-  
sas FERIALES hujus, ac seqq.  
3. Hebdomadatum quod  
attinet, ea sic Ordinantur.

Quando non occurrit Festum  
9. Lctionum, de quo die illo fieri  
debeat, Officium & Missa fiunt Ritu  
Simplici, ac sub colore Viol. de Fe-  
ria currente; & OFFICIUM quidem  
usque ad Dominicam Passionis in  
hunc modum : *Ad Marcinum In-*  
*vitatorium Ferie currentis de Psal-*  
*terio : Hymnus : Ex more docti*  
*mystico ex Dominica præcedente.*  
Antiphonæ, & Psalmi Nocturnales  
de Feria currente, ut in Psalterio :  
Versus post ultimam Antiphonam  
Nocturni, ut ibid. in Quadragesi-  
ma : Lctiones tres propriæ de Ho-  
mil. in Evangel. prout notantur pro  
quavis Feria currente in Proprio de  
Tempore. Responsoria post eas,  
quando propria alicubi non assi-  
gnantur, sumuntur ex Nocturnis  
Dominicæ proximè præcedentis hoc

ordine : Feriâ II. & V. ( nisi quan-  
doque, ut modò dictum, aliter no-  
teretur ) dicuntur tria Responsoria I.  
Nocturni. Feriâ III. & VI. tria Re-  
sponsoria II. Nocturni. Feriâ IV. &  
Sabbatò tria Responsoria III. No-  
cturni Dominicæ præcedentis.

*Ad Laudes Antiphonæ & Psal-*  
*mi de Feria currente, ut in Psalte-*  
*rio per annum. Capitulum : Cla-*  
*ma, ne cesses &c, extans Fer. II. in-*  
*fra Hebd. primam Quadragesimæ in*  
*Proprio de Tempore. Hymnus :*  
*O Sol salutis &c, ex Laudib. Domi-*  
*nicæ præced. Versus : Angelis suis*  
*&c, ex ead. Dominica. Antipho-*  
*na ad Benedictus, & Oratio quotidie*  
*propria; cui ultimæ præmittuntur,*  
*& quidem flexis genibus ( saltem*  
*in Choro ) Preces feriales, positæ in*  
*sine Laudum Ferie II. in Psalterio,*  
*subjungitur verò Commemoratio de*  
*S. Cruce, dein Commemorationes*  
*Communes, seu Suffragia Sancto-*  
*rum, ut supra; ante has omnes*  
verò

verò Commemoratio de Festo Sim-  
plici, si quod occurrat.

Ad PRIMAM Antiphona : *Vi-  
vo ego &c.* uti notatur Feria II. in-  
fra Hebd. primam Quadrages. atque  
etiam in Psalterio in Officio feriali  
ad Primam Tempore Quadragesi-  
mæ. Psalmi, Capitulum, & reli-  
qua uti in Officio Primæ ferialis per  
annum; nisi quod dicantur ( flexis,  
ut supra genibus ) Preces feriales  
ibidem positæ, & ad absolutionem  
Capituli dicatur : *Quarite Domi-  
num &c.* uti ibid. Tempore Quadra-  
gesimæ.

Ad TERTIAM, SEXTAM, & NO-  
NAM Psalmi, ut in Feriali Officio  
per annum : Antiphonæ & Capi-  
tula verò prout notantur Feriâ II.  
infra Hebd. I. Quadrages. atque et-  
iam in ipso Psalterio pro Officio  
feriali in Quadragesima : Idem est  
de Responsorijs brevibus Horarum,  
quæ dicuntur, ut ibi, & coincidunt  
cum Responsorijs brevib. Domini-  
cæ præcedentis, iisque ( flexis, ut su-  
prâ, genibus ) subjunguntur Preces  
feriales ibid. in Psalterio positæ :  
Oratio eadem, quæ in Laudib. *Col.  
Violac.*

MISSA, quando Officium sit de  
Feria, & non dicitur Missa de *Re-  
quiem*, vel Votiva, dicitur prout no-  
tatur in PROPRIO de Tempore ( in  
quo cuius Feriæ currenti per to-  
tam Quadragesimam propria assi-  
gnatur ) sine *Glor. & Cred.* Oratio.

& 3. usque ad Dominicam Passionis  
ut in Dominica præcedente : De  
Festo simplici fit tantum Comme-  
moratio, ut ibi; Præfatio Quadra-  
gesimalis : *Qui Corporali Jejunio  
&c.* & in fine post *Humiliate Capite  
Vestra DEO &c.* Oratio supra Po-  
pulum, ac *Benedicamus*, ut supra  
Fer. IV. Ciner. Feriâ II. IV. & VI.  
post Graduale dicitur Tractus, po-  
situs in Missa ejusd. Fer. IV. Ciner.  
*Col. Viol.*

*Vesperæ Feriales* Tempore Qua-  
dragesimæ quoad *Antiphonas*, &  
*Psalmos* dicuntur de Feria currente,  
ut in Psalterio per annum : Capi-  
tulum ( *Inter Vestibulum, & Alcare  
&c.* ) dicitur uti notatur Fer. II. in-  
fra Hebd. I. Quadrages. in Proprio  
de Tempore, atque etiam in Psalte-  
rio in Vesperis Feriæ II. ad finem  
pro Tempore Quadragesimæ. Hy-  
mnus : *Audi benigne &c.* ex ead.  
Dominica. Antiphona ad *Magni-  
ficat*, & Oratio quotidie propria,  
cui ultimæ præmittuntur Preces  
Feriales positæ in Laudibus Feriæ  
2. dæ in Psalterio ( nisi quod loco  
Psalmi *De profundis* dicatur in hu-  
jusmodi Vesperis Psalmus *Miserere* )  
ac subjunguntur Commemorationes  
de Festo Simplici occurrente, de S.  
Cruce, & reliquæ, ut supra in Lau-  
dib. *Col. Viol.*

In *Completorio* Officij ferialis  
hujus Temporis pariter dicuntur  
Preces ibi positæ flexis genibus.

¶

Atque

Atque hic modus dicendi Officium, & Missam de Feria Quadragesimæ illis diebus, in quibus non occurrit Festum aliquod 9. Lectionum, servatur etiam in sequentibus Hebdomadibus, usque ad Vesperas Sabbati antecedentis Dominicam Passionis. Quando autem occurrit infra Hebdomadam Festum 9. Lectionum, seu Duplex, seu Semiduplex, fit de eo cum 9. Lectione de Feria currente ejusdemque Commem. in Vesperis, Laudibus, ac Missa ut infra. P. II. De Festo autem Simplici occurrente in Feria Quadrages. nihil fit, nisi sola Commemoratio in Laudibus, ac Missa, & pridianis etiam Vesperis usque ad Vesperas Feriæ IV. majoris Hebdomadæ exclusivè, ut dicitur ibid. De Vigilia autem S. Mathiæ Apostoli, occurrente in Quadragesima, nihil fit, nisi tantum Commemoratio in Missa post Orationem de Feria currente, sive de hac, sive de aliquo Festo (v. g. translato) dicatur Missa; nec in hujus sine legitur Evangelium de Vigilia, si fiat de Festo, sed de Feria currente Quadragesimæ.

FERIA II. infra Hebdomad. I. Quadrages. si fiat de ea, Responsoria, pro 3. Lectionibus de Homil. in Proprio de Tempore assignata, sumuntur ex I. Nocturno Dominicæ præced. & post Laudes dici dicitur in Choro I. Nocturnum, &

Laudes Officij Defunctorum, ut in Rubrica, præfixa I. ejus Nocturno; quod ipsum similiter dicitur etiam in alijs Ferijs secundis Quadragesimæ non impeditis Festo 9. Lectionum, usque ad Majorem Hebdomadem exclusivè. In Missa dicitur Tractus. Col. Viol.

FERIA III. ejusdem Hebd. I. in Quadrages. Responsoria pro Lectionibus. Officij ferialis sumuntur ex II. Nocturno. Dominicæ præced. Si in Feriam hanc III. incidat dies 10. Martij, adeoque Festum SS. 40. Martyrum Sebastianorum, tunc Post-Communionis 2. quæ est de Feria currente, sumi debet ex Feria IV. sequente, juxta ea, quæ habet Gav. Tom. I. P. I. Tit. 7. n. 8. lit. q. circa fin. ob paritatem Rationis.

FERIA IV. Hebd. I. Quadrages. est Feria IV. quatuor Temporum in Vere. De qua si fiat Officium, Responsorium I. & II. sumuntur ex III. Nocturno Dominicæ præced. at verò locò III. Dominicalis, ibidem positum, dicitur infra Hebdomadem hodie, ac Sabbato sequenti Responsorium: *Abcondite Eleemosynam* &c. ut ibi. Hæc quoque FERIA IV. & cæteris deinceps Ferijs per Quadragesimam, non impeditis Festo 9. Lectionum, usque ad Hebdomadem Majorem, dicuntur in Choro ante Marutinum Psalmi Graduales supra fol. 60. In Missa feriali post Kyrie eleison dicitur Oremus, *Electamus genna* &c.

*sua* &c. cum duplici Lectione, post quarum primam dicitur tantum *Graduale*; post alteram verò Solummodo *Tractus* sine *Graduali*, ut ibi. *Col. Viol.*

FER. V. Hebd. I. Quadr. Responsorium primum post Lectionem primam ferialis Officij est *Tribularer* &c. ut ibi; Reliqua duo ut in I. Nocturno Dominicæ præced. 2. & 3. locò.

FERIA VI. Hebd. I. Quadr. est FERIA VI. Quatuor Tempor. in Vere, de qua si fiat Officium, Responsoria post Lectiones Noct. sumuntur ex II. Noct. Dominicæ præced. In Choro post Laud. diei dic. *Psalmi Penitentiales cum Litanijs, flexis* (saltem in Choro) *genibus*, ut supra fol. 63. ac in Mis. post Grad. *Tractus*; quod utrumque similiter etiam observatur in reliquis deinceps Ferijs Sextis per Quadrages. usque ad Majorem Hebd. exclusivè. *Col. Viol.*

Sabbatum infra Hebd. I. Quadrages. est Sabbatum quatuor Tem-

porum in Vere: in quo collatio SS. Ordinum. Responsoria post Lect. Noctur. in Officio feriali dicuntur ut Fer. IV. præcedente; & in Missa feriali hodierna post *Kyrie eleison* dicitur: *Oremus, sectamus genua*, ac universim 6. Lectiones, cum *Tractu* post ultimam illarum, ut ibi. *Col. Viol.*

Si hodie factum sit de FERIA, & cras non occurrat alicubi Festum I. Classis, Vesperæ hodiernæ usque ad Capitulum erunt feriales, adeoque dicentur ut in Sabbato per annum, cum Antiphonis & Psalmis de Psalterio, ut ibi: à Capitulo autem erunt de Dominica seq. hoc est secunda in Quadrages. dicendo omnia prout notantur suo locò in PROPRIO de Tempore, eaque proportionaliter observando, quæ annotata sunt ad I. Sabbatum in Quadrages. fol. 64. Eodem quoque modo fiet in sequentibus Sabbatis, usque ad Sabbatum ante Dominicam Passionis exclusivè.

## TITULUS XIV.

### De Dominica II. in Quadrages. & Ferijs infra Hebdom. II. Quadragesimæ occurrentibus.

**D**OMINICA II. in Quadrages. est una ex illis, quæ dicuntur *Dominica Majores*, seu solennes II. Classis, *Majores* quidem, quod non perinde ac *Dominica Minores* (alio nomine *Communes*, seu per

ANIMAM